

taeo consilio, vena salvatella in pede affecto juxta minorem digitum aperta, & incantamenti instar dolor sopitus. Dn. D. Hortius erat mihi contrarius, opponens non esse trahendum ad locum affectum, cui respondi, opus esse auratione & evacuatione sanguinis à parte dolente, nec eò trahi, ut ibi subsistat, sed ut effluat, & ita operatus successus objecta solidè refutavit. Dolor ille levus & rebellis quasi convulsivus ab omnibus suam habuisse originem existimatus, à materiâ pituitosâ nervolo generi impacta & causâ frigidâ, proin calida ordinata. Sed eventus docuit, à fervidâ massâ langu-

neâ prodiiisse, dum vena aperta, sanguis tam calidus profluxit, ut ægra de magno ardore quæsta. Casus ille mihi revocavit in memoriam historiam cujusdam Nobil. femine in Styriâ, quæ intenso & clamore dextri pedis dolore exagitata, sibi aliis inconsultis, in majori digito pedis affecti venam incidere curavit, repente cum levamento. Cum autem ægra nostra sæpius in digito majore pedis dolorem tensivum quasi spasmodicum sentiret, oborta vesicula parva, eâ apertâ, aquâ viridi promanante, conquievit. Ergo etiam virulentia, aut acrimonia & vitriolica qualitas erat in culpâ.

### De doloribus variarum partium,

#### OBSERVAT. I.

##### Ex casu,

**C**um Laphemium evocatus ad Rever. & Nobiliss. Dn. Henricum de Welden/ Canonicum Augustanum, interea accidit, ut Dn. Mater ex lapsu circa coxam intenso dolore molestata in lecto decumberet, quidam Chirurgus inunxerat oleis, sed absque ullo levamine. Ego circa vesperam eò pertingens, causâ cognitâ, cum fortè ad manû haberem Empl. d. Melil. id linteo extensum applicare jussi. Cum diluculo surrexisset, conclave ingressus, per contan-

ti de successu, ipsa sereno ac subridente vultu mirificè extollebat illud Empl. dicens: Eâ se nocte sæpius ad suos ministrantes, ô quam hoc est Emplastrum nobile, ô quam nobilis Medicus. Eâ matutinâ sola surgere & in tabula nobiscum prandere potuit, cum antea ne minimum se commovere quierit, omni dolore levata. Idem in aliis ex casu doctis, sæpius magno cum commodo admotum, cum chirurgorum olea & uaguenta frustrancâ.

Cs

OBSER.

## OBSERVAT. II.

**U**Xor Dn. M. Petri Huberi dolore manus ex lapsu cum tabescentia.  
 ℞. Ping. tassi. ꝑj. vulp. ꝑj. ol. lauri.  
 ꝑvi. Juniper. ex graviss. ꝑij. M.  
 Brevi restituta.

## Ex scarificatione profundâ.

## OBSERVAT. I.



**U**m eadem femina immenso dolore circa scapulas per totum brachium dextrum decurrente, ex scarificatione profundiore causta, scalpellò aliùs im-  
 pacto, molestata, aliis non juvantibus.  
 ℞. Ol. lumbr. terri. ꝑj. ping. taxi, vulp. a. ꝑij. M.  
 Inung. loca scarificata brachium autem inung. cal. aq. d. Hirund. cum cast.

## OBSERVAT. II.

## Ex defluxione.

**C**um eadem illa femina ingenti dolore brachii dextri die noctuque exagitata, ab humero incipiente, per totum brachium se extendente cum tumore, nec id elevare possit, paucis diebus dolor sopitus & tumor resolutus.  
 ℞. Empl. diacalcith. ꝑj. d. melil. ꝑj. M.  
 Linteo extend.

## OBSERVAT. III.

**N**obil. Virgo Anastasia Braun / salcin / Styrensis, dolore brachii dextri discruciatâ, Empl. d. G. Tacam. alutæ ext. apl. Eodem die liberata prout complures alii ex causâ non calidâ.

## OBSERVAT. IV.

**D**N. M. Petrus Huberus, Eccles. Ulm. in summo templo intenso dolore lumborum à defluxione molestatus.  
 ℞. Medull. panis albi macer. lact. vac. post trajici. per cribrum anicum, ad vit. ov. & cum but, rec, cum  
 seq. ol.  
 ℞. Ol. chama. aneth. lil. alb. a. ꝑj. lumbric. terr. ꝑij. M. de quibus adde q. β. pro una vice, cal. linteo ext. apl. Ilicò levamen sensit, & sepius celebravit, quoties ejus mentio incidit.

OBSERVAT.